

**UGOVOR**  
**o korištenju prenosne mreže**

**UGOVORNE STRANE:**

*Kompanija za prenos električne energije u Bosni i Hercegovina "Elektroprenos-Elektroprijenos BIH" a.d. Banja Luka*, ulica Marije Bursać 7a, koju zastupa generalni direktor Mato Žarić dipl.ing.el., (u daljnjem tekstu: Kompanija) s jedne strane

i

*JP ELEKTROPRIVREDA BiH d.d. Sarajevo, ulica Vilsonovo Šetalište br.15, 71000 Sarajevo, PDV broj 200225150005*, koje zastupa generalni direktor Bajazit Jašarević i izvršni direktor za ekonomske poslove Muhamed Ražanica, (u daljnjem tekstu: Korisnik) PDV br. 200225150005 s druge strane

**Kompanija za prenos električne energije u Bosni i Hercegovina "Elektroprenos-Elektroprijenos BIH" a.d. Banja Luka**, ulica Marije Bursać 7a, koju zastupa generalni direktor Mato Žarić dipl.ing.el., (u daljnjem tekstu: Kompanija) s jedne strane

i

**JP ELEKTROPRIVREDA BiH d.d. Sarajevo, ulica Vilsonovo Šetalište br.15, 71000 Sarajevo, PDV broj 200225150005**, koje zastupa generalni direktor Bajazit Jašarević i izvršni direktor za ekonomske poslove Muhamed Ražanica, (u daljnjem tekstu: Korisnik) PDV br. 200225150005 s druge strane

zaključuju

## **UGOVOR O KORIŠTENJU PRENOSNE MREŽE**

### **I UVODNE ODREDBE**

#### **Član 1.**

(1) Kompanija je vlasnik prenosne mreže, Odlukom Državne regulatorne komisije za električnu energiju (u daljem tekstu: DERK), izdata joj je licenca za obavljanje djelatnosti prenosa električne energije broj: 05-28-12-341-20/12 od 13.01.2013. godine.

(2) Korisniku je izdata licenca za obavljanje djelatnosti međunarodne trgovine električnom energijom broj: 05-28-12-239-20/12 od 27.12.2012. godine, licenca za obavljanje elektroprivredne djelatnosti distribucije električne energije, broj: 06-03-735/33/12 od 18.12.2012. godine, Licenca za proizvodnju električne energije, broj: 06-03-734/32/12 od 18.12.2012. godine, Licenca za snabdijevanje električnom energijom prvog reda, broj: 06-03-755/143/16 od 16.12.2016. godine i Licenca za snabdijevanje električnom energijom drugog reda, broj: 06-03-744/58/12 od 06.12.2013. godine.

### **II PREDMET UGOVORA**

#### **Član 2.**

(1) Predmet ovog Ugovora je uređenje međusobnih odnosa ugovornih strana kod korištenja mreže prenosnog sistema (u daljem tekstu: mreža), obračuna i naplate pripadajuće naknade za korištenje mreže, koju Kompanija Korisniku naplaćuje u skladu sa Odlukom DERK-a, kojom je utvrđena tarifa za usluge prenosa električne energije (mrežarina) za preuzetu električnu energiju sa mreže prenosa. Ugovorne strane su se saglasile da se svaka nova Odluka DERK-a po osnovu koje se vrši obračun naknade za korištenje mreže, automatski primjenjuje na ovaj Ugovor od dana njenog stupanja na snagu.

(2) Kompanija prema uslovima iz ovog Ugovora vrši prenos električne energije putem postojeće izgrađene mreže, koja je u vlasništvu Kompanije za potrebe Korisnika, bez obzira na porijeklo te energije.



### III PODACI O MJESTIMA ISPORUKE ELEKTRIČNE ENERGIJE I VRŠNE SNAGE

#### Član 3.

(1) Prema ovom ugovoru Korisniku se isporučuje električna energija i vršna snaga iz mreže prenosnog sistema na obračunskim mjernim mjestima koja se nalaze u trafostanicama (u daljem tekstu: TS):

EVP Bihać 1	TS Gračanica	TS Sarajevo 4
EVP Blažuj	TS Gradačac	TS Sarajevo 5
EVP Dobrinje	TS Hadžići	TS Sarajevo 7
EVP Konjic	TS HAK	TS Sarajevo 8
EVP Kulen Vakuf	TS Ilijaš (Željezara Ilijaš)	TS Srebrenik
EVP Zavidovići	TS Jablanica	TS Tešanj
EVP Zenica	TS Kalesija	TS Travnik 1
TS Goražde 1	TS Kerep	TS Travnik 2
RP Kakanj	TS Kladanj	TS Tuzla 4 (Ljubače)
TS Banovići	TS Ključ	TS Tuzla 5 (Dubrave)
TS Bihać 1	TS Konjic	TS Tuzla Centar
TS Bihać 2	TS Lukavac	TS Vareš
TS Bosanska Krupa	TS Maglaj	TS Velika Kladuša
TS Bosanski Petrovac	TS Mostar 2	TS Visoko
TS Breza	TS Pazarić	TS Visoko (KTK Visoko)
TS Bugojno	TS Sanski Most	TS Vrnograč
TS Cazin 1	TS Sarajevo 2	TS Zavidovići
TS Cazin 2	TS Sarajevo 1	TS Zenica 1
TS Cementara	TS Sarajevo 10	TS Zenica 2
TS Cementara (Cementara Kakanj)	TS Sarajevo 11	TS Zenica 3
TS Doboj Istok	TS Sarajevo 13	TS Zenica 4
TS Donji Vakuf	TS Sarajevo 14	TS Bužim
TS Đurđevik	TS Sarajevo 15	TS Fojnica
MTS Grbavica	TS Sarajevo 18	
TS Zenica jug (Arcelor Metall Zenica)	TS Zenica sjever (Arcelor Metall Zenica)	

(2) Isporučena električna energija mjeri se na obračunskim mjernim mjestima radi obračuna potrošnje električne energije i vršne snage, na osnovu kojih se vrši obračun naknade za korištenje mreže, u skladu sa ovim Ugovorom.

(3) Svako obračunsko mjerno mjesto, na kome se Korisniku isporučuje električna energija i vršna snaga opremljeno je odgovarajućom mjernom i komunikacionom opremom u trenutku zaključenja ovog ugovora.

#### **IV PREDUSLOVI ZA KORIŠTENJE MREŽE**

##### **Član 4.**

(1) Korisnik će Kompaniji osigurati raspoloživost odgovarajućih podataka o postrojenju Korisnika na zahtjev Kompanije.

(2) Kompanija će Korisniku osigurati raspoloživost odgovarajućih podataka o obračunskim mjernim mjestima i mjernim podacima koji služe za obračun i plaćanje naknade za korištenje mreže iz ovog Ugovora.

#### **V USLOVI ZA KORIŠTENJE MREŽE**

##### **Član 5.**

Kompanija je dužna s pažnjom dobrog stručnjaka voditi pogon mreže, organizovati održavanje mreže i ostvariti uslugu ponovne uspostave napajanja nakon prekida s ciljem minimiziranja broja prekida i vremena trajanja prekida, osim u slučajevima kada do prekida dođe u slučaju vanrednih okolnosti i više sile.

#### **VI MJERNE USLUGE**

##### **Član 6.**

(1) Kompanija pruža standardnu mjernu uslugu za obračunska mjerna mjesta iz ovog Ugovora, koju čine sljedeće usluge:

- održavanje mjerne opreme obračunskog mjernog mjesta,
- ovjeravanje mjerila obračunskog mjernog mjesta,
- prikupljanje mjernih podataka s obračunskih mjernih mjesta,
- provjera i potvrda valjanosti mjernih podataka,
- upravljanje i pohranjivanje mjernih podataka,
- čuvanje dokumentacije obračunskih mjernih mjesta,
- povremena provjera ispravnosti stanja mjerenja na obračunskim mjernim mjestima.

#### **VII NAKNADA ZA KORIŠTENJE MREŽE**

##### **Član 7.**

(1) Ugovorne strane saglasno utvrđuju da je Korisnik Kompaniji dužan plaćati naknadu za korištenje mreže za ugovoreni obračunski period, za kompletno preuzetu električnu energiju i vršnu snagu, u skladu sa Odlukom DERK-a, kojom je utvrđena tarifa za usluge prenosa električne energije (mrežarina) za preuzetu električnu energiju sa mreže prenosa i uslovima uređenim ovim Ugovorom.

(2) Plaćanja naknade za korištenje mreže u toku primjene ovog Ugovora Korisnik i Kompanija ugovaraju kao bitni element Ugovora.



## **VIII OČITANJE, OBRAČUN I NAPLATA NAKNADE ZA KORIŠTENJE MREŽE**

### **Član 8.**

- (1) Mjerila koja služe za obračun potrošnje električne energije i vršne snage prema ovom Ugovoru redovno se očitavaju na kraju ugovorenog obračunskog perioda. Ugovoreni obračunski period obuhvata jedan kalendarski mjesec.
- (2) Kompanija je dužna u okviru standardne mjerne usluge s obračunskih mjernih mjesta prikupiti, obraditi, provjeriti valjanost, pohraniti, te omogućiti Korisniku preuzimanje mjernih podataka u formi koja je potrebna za obračun prema ovom Ugovoru i izvršiti obračun naknade za korištenje mreže, u skladu sa važećom Odlukom DERK-a, kojom je utvrđena tarifa za usluge prenosa električne energije (mrežarina) za preuzetu električnu energiju sa mreže prenosa i odredbama ovog Ugovora.
- (3) Predstavnici ugovornih strana (Kompanije i Korisnika) očitavaju mjerila svakog prvog u mjesecu za prethodni mjesec i podatke o očitavanju unose u zapisnik koji potpisuju. U slučaju da se podaci dobiveni očitavanjem ne slažu, predstavnici ugovornih strana će komisijski utvrditi razliku, te će Kompanija izvršiti korekciju računa izdatog za mjesec u kome je nastala greška shodno utvrđenom, kroz slanje knjižne obavjesti. Ugovorna strana koja utvrdi grešku dužna je odmah a najkasnije u roku od tri (3) dana obavjestiti drugu ugovornu stranu i NOS BiH.
- (4) Ugovorne strane će imenovati predstavnike iz prethodnog stava odmah a najkasnije u roku od tri (3) dana od dana kada je utvrđeno neslaganje ili primljeno obavještenje druge ugovorne strane o postojanju greške u obračunu.

### **Član 9.**

- (1) Obračun naknade za kompletno preuzetu energiju i vršnu snagu provest će se na kraju svakog ugovorenog obračunskog perioda prema članu 9. stav (1) ovog Ugovora, u skladu sa odredbama Odluke DERK-a, kojom je utvrđena tarifa za usluge prenosa električne energije (mrežarina) za preuzetu električnu energiju sa mreže prenosa i ovoga Ugovora.
- (2) Ako se utvrdi da mjerila određeno vrijeme nisu registrovala energiju i/ili snagu ili je registrovanje bilo nepotpuno ili nepravilno, Kompanija i Korisnik će uz znanje NOS BiH provesti postupak procjene vrijednosti obračunskih energetske veličine za period u kome nije vršeno njihovo mjerenje odnosno registrovanje. Ugovorne strane će odmah ili u roku od tri (3) dana imenovati predstavnike koji će provesti postupak procjene vrijednosti obračunskih energetske veličine za period u kome nije vršeno njihovo mjerenje ili je isto bilo nepotpuno ili nepravilno. Postupak procjene podrazumjeva mogućnost korištenja podataka o energiji sa drugih mjernih uređaja ako su raspoloživi ili vršenje procjene na osnovu određenih matematičkih modela odnosno na osnovu vrijednosti isporučene količine električne energije iz prethodnog perioda, kad su brojala registrovala isporučenu energiju.
- (4) Kompanija je obavezna račun sa obračunom naknade za korištenje prenosne mreže dostaviti Korisniku u roku od 5 dana po očitavanju na adresu:  
JP ELEKTROPRIVREDA BiH d.d. Sarajevo, ulica Vilsonovo Šetalište br.15, 71 000 Sarajevo.
- (5) Na traženje Korisnika račun će mu se dostaviti odmah po njegovom izdavanju i to telefaksom ili elektronskom poštom.
- (6) Korisnik je dužan obavijestiti Kompaniju, ako ne zaprimi račun u ugovorenom roku.



## Član 10.

- (1) Rok dospijeca računa za obračunski period je trideset (30) dana od dana izdavanja računa.
- (2) Korisnik je dužan svoju obavezu plaćanja naknade za korištenje mreže izvršiti na žiro račun Kompanije:

**- račun broj: 5510010003400849 otvoren kod Unicredit Bank - Banja Luka**

- (3) Ukoliko Korisnik ne plati dospjelu obavezu na način i u roku utvrđenom ovim Ugovorom, dužan je platiti zakonsku zateznu kamatu od dana dospijeca obaveze do dana izmirenja dugovanja.
- (4) Kompanija će obračun zateznih kamata izvršiti od dana dospijeca do datuma izmirenja dugovanja, zašto će Korisniku izdati račun na kraju mjeseca, a Korisnik je obavezan izdati račun platiti s rokom dospijeca od trideset (30) dana, počev od dana izdavanja računa za obračunatu zakonsku zateznu kamatu.
- (5) Ako Korisnik nije saglasan s iznosom ispostavljenog računa, dužan je nesporni dio platiti u roku dospijeca, a za sporni dio dostaviti pisani prigovor u roku od osam (8) dana od dana dostavljanja računa.
- (6) Kompanija je dužna odgovoriti na prigovor Korisnika najkasnije u roku od osam (8) dana, od dana prijema prigovora. U slučaju prihvatanja prigovora Kompanija se obavezuje dostaviti novi račun s datumom dospijeca deset (10) dana od dana izdavanja računa.
- (7) U slučaju neprihvatanja prigovora, Kompanija će o istome obavijestiti Korisnika, koji je dužan platiti prvobitno ispostavljeni račun, uvećan za zakonsku zateznu kamatu.

## Član 11.

- (1) Za osiguranje urednog izvršenja svih obaveza koje mogu nastati po osnovu ovog Ugovora, Korisnik se obavezuje, Kompaniji izdati dvanaest (12) nepotpunih/bjanko mjenica u trenutku potpisa ugovora, koje će propisno potpisati/ovjeriti kao trasant u skladu sa Zakonom o mjenici. Korisnik će Kompaniji uz izdate mjenice dostaviti i mjenično ovlaštenje na koje će upisati serijske brojeve izdatih mjenica i isto potpisati/ovjeriti kao trasant.
- (2) U slučaju da Korisnik ne plati mjesečni račun za korištenje mreže ili račun za kamate u ugovorenom roku, Kompanija zadržava pravo naplate putem instrumenta osiguranja plaćanja iz stava (1) ovog člana, o čemu će prethodno pisanim putem obavijestiti Korisnika. Ukoliko korisnik ne plati dva dospjela računa, Kompanija je ovlaštena i bez prethodnog obavještenja naplatu izvršiti putem instrumenta osiguranja iz stava (1) ovog člana.
- (3) U slučaju da Kompanija iskoristi mjenicu ili mjenice iz stava (1) ovoga člana, Korisnik je dužan dostaviti Kompaniji na njen prvi poziv za svaku iskorištenu mjenicu novu mjenicu, tako da Kompanija uvijek ima na raspolaganju dvanaest (12) nepotpunih/bjanko mjenica.
- (4) Ukoliko u periodu trajanja ovoga Ugovora budu zakonskim propisima uvedeni novi instrumenti osiguranja plaćanja ili je prethodni iskorišten, Korisnik je na zahtjev Kompanije dužan osigurati i dostaviti odgovarajući broj takvih instrumenata osiguranja plaćanja.



## **IX MEĐUSOBNA PRAVA I OBAVEZE**

### **Član 12.**

Ugovorne strane su saglasne da će se pitanje naknade štete, a koja može proizaći iz korištenja prenosne mreže, regulisati u skladu sa odredbama Mrežnog kodeksa, Zakona o obligacionim odnosima i drugim propisima koji regulišu predmetnu oblast.

### **Član 13.**

- (1) Ugovorne strane se saglasno obavezuju na međusobno obavještanje o planiranom i izvanrednom prekidu korištenja mreže, kao i o događajima u mreži koji su uzrok nemogućnosti korištenja mreže, a u skladu sa odredbama Opštih uslova i Mrežnog kodeksa.
- (2) Ugovorne strane su saglasne da će Korisnik biti obavješten o planiranom prekidu isporuke električne energije najkasnije 48 sati prije privremenog prekida i to direktnim načinom komunikacije kao: telefonom, telefaksom ili elektronskom poštom.

### **Član 14.**

Ugovorne strane su saglasne da Kompanija može bez prethodne najave privremeno ograničiti ili prekinuti isporuku električne energije Korisniku, ako to zahtijevaju prekidi u mreži prenosnog sistema, kvarovi na transformatorskim, razvodnim i proizvodnim postrojenjima, raspad elektroenergetskog sistema i preopterećenja postrojenja, odnosno pogonski uslovi.

## **X RASKID UGOVORA**

### **Član 15.**

- (1) Ugovorne strane su saglasne da mogu u slučaju neizvršenja ugovornih obaveza podnijeti pisani zahtjev za raskid ugovora, uz otkazni rok od osam (8) dana od dana podnošenja zahtjeva.
- (2) Ugovorna strana koja pokreće postupak raskida obavezuje se prije podnošenja pisanog zahtjeva za raskid ugovora dostaviti pisanu opomenu drugoj ugovornoj strani s dodatnim rokom za ispunjenje obaveze.

## **XI PRELAZNE I ZAVRŠNE ODREDBE**

### **Član 16.**

Ugovorne strane utvrđuju da je zatečeno stanje vlasništva nad mjernom i komunikacionom opremom takvo da je Kompanija vlasnik mjerne i komunikacione opreme na obračunskim mjernim mjestima. U slučaju potrebe Kompanija će izvršiti opremanje obračunskih mjernih mjesta električne energije prema tehničkim zahtjevima iz Mrežnih pravila.

### **Član 17.**

- (1) Ovaj Ugovor se zaključuje na neodređeno vrijeme.
- (2) Ovaj ugovor prestaje važiti u slučaju da jedna od ugovornih strana izgubi licencirani status.

- (3) Izmjene i dopune mogu se vršiti zaključenjem aneksa ovog Ugovora.  
(4) Ovaj Ugovor stupa na pravnu snagu kada ga potpišu obe ugovorne strane.  
(5) Za sve što nije regulisano ovim Ugovorom, primjenjuje se odredbe Zakona o obligacionim odnosima i drugih važećih propisa.

#### Član 18.

- (1) Ugovorne strane saglasne su da će sve eventualne sporove koji mogu nastati iz ovog Ugovora rješavati sporazumno.  
(2) U slučaju nemogućnosti mirnog rješavanja sporova iz ovoga Ugovora nadležan je Okružni privredni sud u Banjaluci.

#### Član 19.

Ovaj Ugovor je sastavljen i potpisan u šest istovjetnih primjeraka, od kojih Kompanija zadržava četiri primjerka, a Korisnik zadržava dva primjerka.


U B. Luci, 19.04.2017 godine  
Broj: 01-2878/2017

U Sarajevu, 04.04.2017 godine  
Broj: \_\_\_\_\_

Za Kompaniju:  
Generalni direktor

  
Mato Žarić, dipl.ing.el.

Izvršni direktor za rad  
i održavanje sistema

  
Cvjetko Žepinić, dipl.ing.el.

Za Korisnika:  
Generalni direktor

  
Bajazit Jasarević, dipl.ing. el.

Izvršni direktor za  
ekonomske odnose

  
Muhamed Ražanica, dipl.ecc.

B: 01-05-11313/17